

In de Palz geht de Parrer mit de Peif in die Kerch

(Kurt Dehn / Günter Mannweiler)

1. Mir Pälzer mir sin Krischer,
mir gehn oft dra wie Blücher,
do mänen als die fremde Leit,
mir hätten 's ganz Johr Streit.
Doch wer des glabt, der schnärnt sich,
wer uns net kennt, der ärrt sich,
mer können aa gemütlich sei beim gute Pälzer Wei.
Un durch die Weistroß zieht das alte Pälzer Lied:



Refrain:

In de Palz geht de Parrer mit de Peif in die Kerch,
in de Palz, do singt jedes junge Mädchen wie e Lerch.
Un beim Wei, liewer Freund, in de Palz
kriegscht es ganze Johr kä trocken Hals.

2. Mir Pälzer kenne trinke, de Woi schmeckt gut zum Schinke,
zu Schwademaas un Lewwerworscht gäbt's e Schoppe geh de Dorscht.
Un geh mer uff die Kerwe, do gäbts a manchmol Scherwe,
do werd gedantzt, bis in die Frieh, no jeder Melodie.
Un sinn mer noch so mied, es langt noch fer des Lied:

Refrain: In de Palz geht de Parrer ...

3. Mer Pälzer sin gemietlich, meischt gut gelaunt un friedlich,
doch steckt uns ebbes quer im Hals, dann rappelt's in de Palz.
Gleich druff, das könne ner glabe, werd's Kriegsbeil schnell begrabe.
Als Friedenspeif, so muss das sei, gäbt's dann Schoppe Wei.
Me'm Dubbeglas an de Schnut is alles widder gut.

Refrain: In de Palz geht de Parrer ...